

彊

邨

遺

書

彊邨詞牘稿卷二

歸安朱孝臧古微

寒灰集

三姝媚 瞻園約爲西山之游寒陰殢人

屢阻攜屐雪後引眺賦此代簡

晴絲橫苑路際林端微明禁煙猶互喚客山
禽盪倦情銷得探春詞句野水棱棱隔岸引
玉驄新步舊崦微茫祇有梅花撩人心緒

偏是芳游輕負牘小萼疏簪凍香誰護夢熟
西峰又溼雲和恨暗凝春素淡極愁蛾還惹

起啼妝人妬問訊香臺消息風鈴細語

婆羅門引

斜橋絮起亂紅牽恨點重茵情鶯尙語殘春
聞說淩波新步遮斷繡漪塵恣蠟鐙羅帶鬪
取閒身長安麗人算醉醒總迷津狼藉東
風不管只避花暝波簾翠顰夢不散相思堤
上雲釵鈿約總是愁根

菩薩蠻

綠雲倭墮低鬟重無端青鏡相矜寵孔雀滿
東南水沈中夜添有人紅燭背妝淡眉成

字何事種春愁春休愁未休

宜暝宜喜紅雙臉新嬌一態無拘檢滿鏡淚
波酸妒春春向闌中塘雙燕子學語差池
起辛苦鬪腰肢累花扶著伊

亂鶯啼破紅雲熱誤他濃睡花時節不拆畫
楸韃春人誰耐閒緗桃攀未盡暗裏朱顏
損教合玉韡笙雙成聽不聽

鳳窠長晝蒙頭睡籌花鬪草原無意扶夢下
西樓芙蓉江上愁路長雙槳促隊隊紅衣
浴不合住橫塘秋潮日夜忙

纔調龍餅留人語旋捐寶玦催人去去住兩
朦朧靈犀無路通朝朝翻象局嬾劃瓊釵
卜不到落花時春愁君不知

還京樂夜坐和夢窗

塞鴻近著意偎沙度月成秋響傷黃昏愁重
旋攬鐵馬檐頭悲哽濺淚花孤坐屏山背燭
幢幢影倦睡減遙夜怨起羅衣新冷聽壺
蓮竟夢滄波殘畫風鴉陣黑如塵垂翅未整
江湖畫角聲聲暗驚回雨涼煙暝攪愁腸是
按笛人稀餐霞伴醒脈脈窺華髮清霜飛上

明鏡

綠蓋舞風輕

遙和鷺翁元武湖追暑之

作同弁陽老人韻

一闋定風波倦眼登臨危闌對橫綺涼笛延
秋江湖歸未得淺醉慵倚劫後吟魂又輕被
蕢絲牽繫正紅衣掠岸西風催墮愁藥杯
底遣得孤懽照影弄清波短鬢塵洗酒入襟
痕好心期換與故年閒淚夢裏滄洲更不信
孤根無寄過江人銷盡看花英氣

角招寄懷半塘白下

送君後滄江晚望風幾度搔首鴈邊寒訊逗
破驛老楓游倦時候天涯未負怕負卻十圍
垂柳素石清泉儘有奈今夕玉關情被清愁
無酒 知否亂塵漲裏夷歌野哭銷得殘陽
驟庾郎魂斷久迸入江南玉龍哀奏冰霜共
守賸一抹峰眉依舊夢咽西窗燭瘦待商略
白鷗心迴腸又

采綠吟湖跌漾爲吾鄉煙水勝處長超

棲賢吳羌道場諸山紛在掌矚

荷香柳影道夏尤宜自墮修門

行二十稔中間再返故山耳暇

當倩客作玉湖趺館圖率依贊
洲譜以當懷歸之章

輓玉吳波路畫手點筆分明贊風笛外柳煙
舳尾澄鏡無聲兩山青不斷斜陽晚數行鳥
度空屏卷迴谿蓮歌渺棱棱湖月又生拋
斷水精宮天涯夢縈絲撩亂千頃三十六陂
秋但淚接煙程甚時真投老江湖忘機後商
略白鷗盟歸帆誤半落鬢霜殘客茂陵

解蹀躞

鴈聲帶愁飛轉漸換秦絃柱似嫌搖落江蘼
舊游誤心事別久誰知錦牋重疊緘成夢雲
無據爲君訴依舊差池雙羽東風背簾覩
幾曾羞煞淺花好眉嫵眼看殘畫滄波夜闌
擘破箜篌勸公無渡

點絳脣鴈來紅

擡舉西風醉扶一捻鵲魂小誤花疑草別樣
傷秋橐窺笑東鄰解妒宮妝好秋孃覺茜
裙顛倒收拾紅情早

前調鳳仙

丹穴春姿託根翻戀朱闌好抱香多少夢穩
秦樓曉 匳史新繡瘦損麻姑爪秋妝了守
宮紅小來伴花房擣

蘭陵王蘆花和麟媛

竟頭白明鏡秋霜共色荒碕外搖露盪煙零
亂春叢換淒碧江湖味慣識牢落低舷倦笛
黃昏後無處頓愁愁似潮來夜風急 伊人
舊游歷在買醉魚天分社鷗席涼花淺瀨秋
無極白溼漬衫絮怨沈笳管離披天水斷夢
失甚身世禁得 江國待將息怕如畫煙波

名二
五
敝破鉛墨沈陰斷鴈聲中黑黯雪片千頃欲
銜無力菰蒲何處歲暮約但睡憶

楊柳枝

舊夢吹花著渭橋新愁封淚問湘皋永豐坊
畔風流極晚向人前鬪舞腰

無主樓臺半夕陽笛中人去更迴腸東風銷
盡宮黃點背定愁鸞理舊妝

似水鶻聲一夕催青絲驕馬斷章臺分明搖
落江潭路依舊傚傚輓舞來

通體當風弱不支年光銷盡斷腸絲不辭身

作桓宣武看到金城日墜時

花犯花朝後一日雪中晦鳴見過

碾城根淩波路輾瓊妃下清曉凍禽啼覺驚
素影林亭芳意嬌小柳絲倦挽清明到和煙
冰斷沼望裏怯蹋青新步香塵輕換了拖
筇犯寒故人來梨雲影亂撲風前衰帽絲鬢
冷聊溫取凍花香醪傷春慣費人淚眼能幾
度歌前同醉倒問瘦倚荒闌誰煥無聊鶯燕
老

轉應曲

春雨春雨飄斷碧煙雙語雲屏一倍清寒獨
擁羅衣夜闌闌夜夢到寶釵樓下

春柳春柳昔日青青在否東風臨路千絲輕
薄看人別離離別離別鉛淚單衣時節

春水春水不寄盈盈閒淚年年流盡年光今
日聞歌斷腸腸斷腸斷道是病深愁慣

拋毬樂書胡仲巽淨業湖僦舍

一架紅樓面堞斜凌波百隊氣如霞瀟紗風
擁妙香入上枕山當蘇幙遮解妒棲鴛夢網
取吳魂便作家

二郎神偕乙盦晦鳴悔生步淨業湖上
淚荷戰雨碎一鏡翠雲如瀉漸冑蝶香乾籠
鴛陰減裝就城灣殘畫舊是瑤源淩波路洗
恨入鞦羅塵罽休更結冷禪一袈裟地水風
無價閒話滄桑事影玉尊澆罷問蠹粉詩
痕龕荒落滿經歲蠻薰尙惹夢老西涯冷鷗
三兩空怨月明遙夜聽梵外似有簫聲斷續
汜人來下

阮郎歸

飛鸞閣裏舞經年銅花驕玉顏秋裳多定昨

宵寒啼蛄金井闌
揮錦字擲金錢藁砧山
復山織成春恨儘無端
殘機催下難

南鄉子

初日上水西涯無人來
弔素馨斜花底教歌
江上住鴛鴦侶只向海雲紅處去
雲磴滑霧花晞西樵山上揀茶歸山下行人
偏借問朦朧應半晌臉潮紅不定
三水口合雙江畫輪跼跼碾輕航
船舶趁小風來舵尾長年喜白日攤錢波浪裏
蘿幌合玉沙清一峰送過一峰迎
日夕沾裾

榕霧溼行不得越鳥聲聲如勸客

中宿峽夜鐘寒訶陵環子向人閒過客摩挲
嵌壁記猿歸未霧鬢風鬢明月裏

飛鳥絕怒濤吞蹋天無路割蒼雲竹縲縲厓
橫板坐樵斤和時有飛霞身畔過

烏石渡數家橫今年雨少誤秋耕瘦日沈谿
饑犢臥無功課夜半燒畚巖際火

巖秀發勝江南一重鬢髻一重匳急漿衝波
催去箭升艫看詰屈湏流如大篆

支枕後落帆前客心孤迴滿江天手疊紅牋

誰與付曹郎句爲客正逢無鴈處

陌上花題隋董美人墓誌美人蜀王楊
秀宮人以開皇十七年卒誌爲
秀自製道光初葉上海陸劒庵
官興平得此石旋歸徐氏燬於
兵張叔未謂才人美人十五員
煬帝時置開皇時未有此名董
是蜀宮人何以終於仁壽宮史
未之詳道生以拓本見諮率倚
此調